



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Eodem Titulo in VI. Capitulum I. Statuimus.

[urn:nbn:de:hbz:466:1-62587](https://nbn-resolving.de/urn:nbn:de:hbz:466:1-62587)

in quo æconomus seu Syndicus Monasterii quædam per facti errorem confessus fuit, queritur num id nocere seu præjudicium generare debeat procuratori aut Monasterio. Resp. Gregorius IX. quod error facti negotio nondum finito nemini nocere debet, dummodo talis error ostendi possit.

S U M M A R I V M .

1. Error facti in iudicio, litem nondum finita commissus, ostendere & reuocari potest.
2. Confessio Syndici, Tutoris, aut Prælati, legitime in iudicio facte, nocet Ecclesiæ, pupilio & communitatì, cuius nomine agit.
3. Si error fuerit in iudicio commissus circa alienum factum, sufficit, ad probandum errorem facti, ostendere, rem aliter se habere.
4. Quod si tamen ex officio scire aut inquirere factum illud debuisset confitens, vel error sit circa proprium factum in iudicio commissus, ordinariè non admittitur confitens, ad ostendendum rem aliter se habere.

NO T A I. Si error facti in iudicio lite nondum finita commissus sit, ostendere & reuocari potest. Est autem hoc communè & ordinariū remedium non solum Ecclesiæ & Minoribus, sed omnibus competens. 1. Error. 7. de juris & facti ignorantia. c. 2. De in integr. restitut. in 6. vbi id explicatur.

2. Nota II. Confessio Syndici seu procuratoris facta in iudicio, prædicat Ecclesiæ, ita videtur colligi ex hœc, & habetur expressius in c. Suborta. 21. De rejudicata. & c. Olim. 20. De Censibus. Dixi de hac re in e. 1. Ut lite non contestata. q. 2. Idem quoque locum habet in tutori, curatore, Prælato, aliouē legítimo administratore, quod eius confessio in iudicio, cum ad legitimam interrogatiōnem responderi debebat, nocet Ecclesiæ, pupillo, aut communitatì, cuius nomine agit. arg. 1. Si se non obtulit. 4. ff. de re judic. & docet Panorm. hic n. 10.

3. Queritur, quando probetur error facti in iudicio commissus. Resp. si error diciatur commissus circa factum alienum, tunc

sufficit ostendere rem aliter se habere, nam in tali casu locus est regula 42. in 6. Praesumitur ignorantia, ubi scientia non probatur, & sumitur ex l. de atate. 11. §. Qui justo. ff. De interrogatoriis action. & tradit Lanfrancus in praxi c. 7. n. 32. cum gl. in l. Certum. §. Sed an & ipsos. ff. de Confessis. De Confessione procuratoris vel administratoris, quod à principali reuocari possit, ostendo aliter rem se habere, quia Procurator de facto alieno confessus fuerit; excipi debet, si tale factum sit, quod aliquis ex officio inquirere & nosse debebat, quia confitens ordinariè non admittitur ad probandum, rē aliter se habere, cum sit præsumptio cōtra ipsum. arg. c. Innotuit. 21. De elect. Quod si verò error dicitur commissus circa factum proprium v.g. circa propriā confessionē in iudicio, tum ordinariè non admittitur aliquis ad ostendendum, rem aliter se habere, si confessio facta fuit de proprio actu, v.g. contractu à se inito. arg. c. Ab excommunicato. 41. De Rescript. nisi circumstantiae ad sint, ex quibus præsumptio fieri possit, eum errasse, ut si suāfione aut metu inductus sit ad confitendum. arg. l. vnic. §. fin. ff. Quando actio de peculio. Vel ob temporis longinquitatem. arg. l. Peregrin. 44. ff. de acquir. posse. vel si negotium nimis intricatum sit. Vt Panormitanus hic docet in fine. Videatur Imola hic n. 15. glossator Dini super reg. 47. in 6.

E O D E M T I T U V L O in VI.

C A P I T U L U M I.

Statuum us.

Quandoque iudex postulante sequitate admittere potest, ut positiones negatiuae ab actore foimuntur, quia licet ab ipso probari nequeant, potest tamen ad eas Reus respondere confitendo aut negando.

Notandum vnicum. Licet propositio negatiua, si tempori, loco aliisque circumstantiis adstricta non sit, secundum rerum naturam probari non posse censeatur,

v. g. quòd Titius à Sede Apostolica priuilegium nullum acceperit, sicuti explicatur in *c. Bona. 23. de elec̄t.* tamen talis negatiua, si ad causam pertinens sit, inter positiones referri potest; videlicet: pono verum, quòd Titius nullum super pluralitate curatorum beneficiorum dispensationem Pontificiam habeat: tunc enim Reus cogetur respondere vel confitendo, vt probatione aliā opus non sit, vel negando, quo casu postulante Episcopo seu judice dispensationem exhibere debet, cùm hæc sit quasi exceptio rei, cuius probatio ipsi incubit.

CAPITVLVM II.

Si post.

PARAPHRASIS.

Si Reus, vel procurator eius, post præstitum juramentum calumniæ, aut dicendæ veritatis, positionibus Actoris à judice Iesus respondere, absque causa rationabili recusat, vel contumaciter se absenter, haberi debet pro confessio; sin autem se absenter, antequam à judice respondere

jussus fuit, non debet pro Confesso haberi, sed contra ipsum tanquam contumacem procedi. Ratio huius responsi sumi debet ex doctrina quæ traditur in *Reg. 42. & 43.* quòd tacens cœlētatur confiteri, sico loco & tempore interrogetur, quando respondere debet, non autem habeatur pro Confesso, si coloco ac tempore interrogetur, vbi respondere non debeat. Verumtamen hæc juris tantum præsumptio est, quod jussus respondere positionibus, si contumaciter recusat, censeatur confiteri, & talis quidem præsumptio, vt contra eam admittatur probatio contraria, si videlicet rationem afferat Reus, cur ad eam respondere nolit, quia videlicet impertinentes sint ambiguae, aut capiōsæ: qua de re *gloss. hic, verb. Absque rationabili;* imò vero tametsi positiones tales non sint, si tamen Reus vel procurator probabiliter ostendat se per errorem pro talibus habuisse, & idē responsionem denegasse, non debet haberi pro confessio, si sententia nondum lata sit. *arg. c. vlt. Extra h. t.*

TITVLVS XIX.
DE PROBATIONIBVS.

Si Reus conuentus Actoris intentionem, ac positiones non confiteatur, necessariò deueniendum est ad probationes, quare rectè jam agitur de probationibus, sed hoc tit. tantum in genere, postea in specie.

CAPITVLUM I.
Ex Epistolæ.

PARAPHRASIS.

Olim inter Imperatorem Justinianum & Recaredi Visigotorum Regis antecessores pacta intercesserant, de quibus in scrinio sive Archiuio Imperatorio pleniorum

cognitionem haberi posse arbitrabatur Rex, idē voluit, Gregorium I. Pontificem scribere ad Imperatorem, vt Instrumenta ex Archiuio suo produci juberet, ex quibus cognosci posset ad quæ præstanta Imperator ipsi ratione pactorum obligatus esset, sed Gregorius Respondit, inconveniens id fore, quia nunquam aliquis jubendus sit instrumenta querere & contra se ipsum producere, ex quibus conuincatur.

SUMMARIUM.

1. Non tenetur Reus conuentus propria instrumenta edere actori, ad fundandam illius intentionem.
 2. Debet tamen actor ea edere Reopetenti.
3. Com-